

Sjednica Upravnog odbora projekta IMPULS

25.09.2015 16:01



U Budvi, Crna Gora, 24. septembra 2015. godine održana je redovna sjednica Upravnog odbora projekta IMPULS. Ovaj projekt podržava aktivnosti katastarskih i kartografskih agencija zemalja zapadnog Balkana u oblasti infrastrukture prostornih podataka. Provedbeni partneri u ovom projektu su Lantmateriet (švedska geodetska uprava) i Državna geodetska uprava Republike Hrvatske.

Upravni odbor čine direktori katastarskih i kartografskih agencija, a sjednice se održavaju dva puta godišnje.

Na sjednici se, između ostalog, raspravljalo o statusu realizacije projekta po svim komponentama projekta

i budućim aktivnostima.

Članovi Upravnog odbora istaknuli su svoje zadovoljstvo dosadašnjom realizacijom projekta, ali se u diskusiji naznačilo i na određene potrebe poboljšanja sadržaja projekta. Regiji zapadnog Balkana potrebna je podrška kako u edukaciji iz oblasti infrastrukture prostornih podataka, ali i konkretnih učinaka u vidu pilot-projekata.

Tokom sjednice su direktori, članovi Upravnog odbora, podnijeli i kratke informacije o trenutnim aktivnostima u svojim agencijama, s posebnim naglaskom na poteškoće realizacije bitnih projekata u sektoru zemljišne administracije.